

Regel mercken/welche Cecis genennet wurde.

Thue ihm also / Schreib für dich gegen der
 lincken hand die zahl der Person / gegen der
 rechten hand/wie viel sie vertruncken/vñ in die
 mitte /wie viel ein jegliche Person /jeglichs ge-
 schlechts in sonderheit gibt / Darnach mach dz
 gelt dem wenigsten vberall gleich / Als denn
 Multiplicir das kleinst an der bezahlung mit
 den Personen/vnd nimm von dem/das sie ver-
 truncken haben/was da bleibet ist die zahl/wel-
 che getheilet sol werden. Vñnd sonderlich soltu
 wissen / daß alle mal ein Theiler weniger ist/
 denn Geschlechts vorhanden / Dieselbige mach
 also / Nim das geringste an bezahlung von dem
 andern / so kommen sie dir / Ist ein Theiler vor-
 handen / so theile ab / werden die meiste Person
 dem gelde nach an der bezahlung / die nim hin-
 weg von den Personen / so hastu die wenigsten
 der bezahlung / Sind aber zwee theiler / so mach
 auß der zahl welche getheilt sol werden / zween
 theil / Also daß ein theil zu gleich gar mit dem
 größern Theiler / vñnd der ander mit dem klei-
 nern theiler mag auffgehoben werden / als den
 summir zusammen / vnd nim von den Perso-
 nen / so hastu von bleibenden die zahl des drit-
 tē geschlechts. Desgleichē auch / so mehr theiler
 vorhanden sind / als folgende Exempel gründ-
 lich außweisen werden.

Bech